



**ASSEMBLEA DI
ZITELLI
10 ESIMA EDIZIONE**

A GUIDA DI U PRUFESSORE

Votre classe participe à la 10ème édition de l'Assemblée di i Zitelli qui se tiendra à l'Assemblée de Corse le 2 juin 2026.

Ce document présente l'événement à travers ses différentes étapes et apporte des précisions sur le travail à effectuer en classe.

A vostra classe partecipeghja à a 9esima edizione di l'Assemblea di i Zitelli chì serà organisata à l'Assemblea di Corsica u 2 di ghjugu di u 2026.

Stu documentu presenta l'avvenimentu à traversu e diverse tappe è porta precisione nantu à u travagliu da fà in classe.

03 TUTTU CIÒ CHÌ CI HÈ DA SAPÈ NANTU
À L'ASSEMBLEA DI I ZITELLI

04 I TEMI DI L'ASSEMBLEA DI I ZITELLI

05 L'ELEZIONE DI I DELEGATI JUNIOR
E VISITE DI L'ASSEMBLEA DI CORSICA

06 E MISSIONI U PRUGETTU CREATIVU

07 E DUMANDE ISTITUZIUNALI

08 U PRUGETTU DI MUZIONE

10 U PRUGETTU CULTURALE È CREATIVU

11 DOPU À U TRAVAGLIU IN A CLASSA

12 A SESSIONE
DI L'ASSEMBEA DI I ZITELLI

13 I VOSTRI ELETTI RIFARENTI
CUNTATTI È INFURMAZIONI

TAVULA DI I MATERII

TUTTU CIÒ CHÌ CI HÈ DA SAPÈ NANTU À L'ASSEMBLEA DI I ZITELLI

I giovani d'oghje, chì sò i cittadini di dumane, devenu esse à capu di i fundamenti di a demucrazia. A Cullettività di Corsica hà fattu naturalmente a scelta d'impegnà si in stu sensu, è l'Assemblea di Corsica hè dunque u spaziu civicu adattatu per sta "scola di a cittadinanza" à a scala di a Corsica.

L'Assemblea di i Zitelli, urganizata da l'Assemblea di Corsica è u Cunsigliu esecutivu di Corsica, in partenariatu cù u Retturatu d'Accademia, hè una iniziazione à l'attenzioni di i sculari di CM1 fin'à a 5ta à u dibattitu democraticu è à e respunsabilità citadine. À traversu sta dimarchja, i ghjovani Corsi scoprenu u funzionamentu di l'Assemblea di Corsica è sò incuragiti à riflette nant'à i sfidi di a sucietà induve campanu.

CUMPOSIZIONE



L'Assemblea di i Zitelli hè cumposta da 62 delegati eletti rispittendu rispittendu u principiu di parità in e classi selezziunate. Hè presidata da a Presidente di l'Assemblea di Corsica.



CUMU CANDIDATÀ?

Tutte e classe di stabulimenti publichi o privati cuntrattuali, da u CM1 à a 5esima, ponu candidatà.

S'è vo vulete presentà a candidatura di a vostra classe, pudete telecaricà u schedariu nant'à u situ www.isula.corsica/azitelli è mandallu, dopu à a validazione da u capistabilimentu, à u Scretariatu Generale di l'Assemblea di Corsica.

Ogni classe chì partecipeghja à l'uperazone averà parechje missioni :

- 1 Elaburà una dumanda destinata à a Presidente di l'Assemblea di Corsica è una dumanda destinata à u Presidente di u Cunsigliu esecutivu di Corsica,
- 2 Elaburà un prugettu di mozione,
- 3 Prupone un travagliu creativu è illustrativu nant'à u tema sceltu per e dumande orali è e mozioni.

I TEMI DI L'ASSEMBLEA DI I ZITELLI

I quistioni mentuate in ogni temi sò piste di riflessione, date per esempiu, per fà parte i prugetti, ma ùn custituiscenu in nisun modu una trava à a libertà pedagogica di i prufessori in e so classi. I zitelli dispunenu di tutta a latitudine necessaria per lascià corre a so imagine è i so desideri.

A VITA À A SCOLA / À U CULLEGIU

Cumu imaginà a struttura di un annata sculare ideale (rientrata di e classe, orari sculari è periscolari, periodi di vacanze, ripartizione di e materie in a settimana, ecc.), e relazioni trà l'elevi, cù l'adulti di a cumunità educativa, l'ugualità trà e femmine è i maschi? Chì sò e cundizioni indispensèvuli per chì ognunu si senti bè à a scola / à u cullegiu? Chì ci vole à fà per riesce è, in fine, chì ghjè a riescita?

U BENESTÀ, U SPORT, I PASSATEMPI È A SALUTE

Chì ghjè U benestà? Cumu si ottene? Chì esiste digià in Corsica? Chì ùn esiste ancu ma puderia esse sviluppatu? Chì pudemu fà per chì ognunu possa praticà attività? Chì significa esse in bona salute? Cumu si face per mantene si in bona salute?

AMBIENTE È CULTURA

L'esserì vivi, è l'omu in particolare, anu una influenza nant'à u so ambiente? In chì manera e nostre azzioni ponu prutege u pianeta o danneghjà lu? Chì pudemu fà per preservà u nostru ambiente? Chì ghjè a cultura? Cumu si face per sparte la, per chì tutti ci po accede? Di chì avemu bisognu per arricchisce a nostra cultura?

I CITADINI IN CORSICA, IN EUROPA È IN U MONDU

Chì ghjè un citadinu corsu, europeanu è mondiale? L'Europa: à chì serve? Cumu pudemu arricchisce ci di e nostre differenze? Chì avemu da offre à l'altri è chì pudemu riceve da elli?

A CORSICA CH'E VOGLIU IN U 2050

Chì hè a sucietà di i nostri sogni? Cumu ci allughjemu, cumu ci nutremu, cumu ci spizzaemu, cumu cumunichemu? Cumu pudemu esse felici?

L'ELEZIONE DI I DELEGATI JUNIOR



L'elevi sò scelti nantu à a basa di u voluntariatu. In ogni classe selezzionata, sò eletti dui delegati, unu maschile è unu femminile. U so mandatu hè d'un annu è ùn hè micca rinnovabile.

L'elezione di i delegati junior si face in classe, trà a rientrata di e vacanze d'invernu è e vacanze di veranu. A lista di i delegati junior à l'Assemblea di i Zitelli hè approvata da a Presidente di l'Assemblea di Corsica.

Ogni elevu assisterà à a sessione di l'Assemblea di i Zitelli, accompagnatu da unu di i so parenti o da un membru di a famiglia autorizatu.

I professori ponu dumandà in anticipu l'eletti riferenti, affinch'elli possinu vene à scontrà i sculari, inde i stabilimenti, s'è a disponibilità a permette. E dumande devenu esse trasmesse à u Secretariatu generale di l'Assemblea di Corsica à l'indirizzu : assembleadiizitelli@isula.corsica.

E VISITE DI L'ASSEMBLEA DI CORSICA



Duranti u periodu di travaglii pedagogichi preparatori, serà pussibile di fà visite guidate di u Gran'Palazzu di a Cullettività di Corsica è di l'emiciclu, è/o di assiste à una sessione di l'Assemblea di Corsica.

L'insignanti chì u volenu ponu urganizà una visita di l'Assemblea di Corsica cù a so classe è cuntattà per quessa u Secretariatu Generale di l'Assemblea di Corsica.

 assembleadiizitelli@isula.corsica

 04 95 51 66 81 ou 06 32 12 31 73

 www.isula.corsica/assemblea www.isula.corsica/azitelli/

A Cullettività di Corsica copre i costi di trasportu.

Datu chì e visite sò numerose, vi cunsigliemu di mandà a vostra dumanda u più prestu pussibile.

E MISSIONI

Duranti l'annu sculare, e classi selezziunate travaglieranu nant'à l'elaborazione di dumande orali è di muzioni è pruponeranu un travagliu creativu è illustrativu nant'à unu di i 5 temi. Pudete telecaricà esempi nant'à u situ www.isula.corsica/azitelli. E dumande è e muzioni seranu prudutte in lingua francese è in lingua corsa è i travaglii creativi ponu esse prudutti in a lingua di a vostra scelta.

01

SCELTA DI U TEMA

Trà i 5 temi presentati in p.4.

02

DUMANDE ISTITUZIONALI

Elaburà una dumanda per a Presidente di l'Assemblea di Corsica è un'altra per u Presidente di u Cunsigliu esecutivu di Corsica.

03

PRUGETTU DI MUZIONE

Redige una mozione chì pò esse sottumessa à u votu di i delegati ghjuniori.

04

PRUGETTU CULTURALE È CREATIVU

I sculari sò invitati à sviluppà prugetti creativi nant'à u listessu tema di e dumande orali è di e mozioni.

U PRUGETTU CREATIVU :



In u quadru di questa edizione, i partecipanti travaglieranu nant'à creazioni culturali, cum'è a scrittura di canzone o puesie, o a rializzazione d'una mostra, rinfurzendu l'impegnu pedagogicu è l'implicazione creativa di i giovani. Sti prugetti seranu prisintati u ghjornu di a sessione plenaria di l'Assemblea di i Zitelli è/o publicati nant'à u situ www.isula.corsica/azitelli, è dinù à l'uccasione di a sessione seguente di l'Assemblea di Corsica.

E DUMANDE ISTITUZIONALI



CUMU PRUDUCE UNA QUESTIONE ORALE ?

E quistione orali devenu esse prудutte in corsu è in francese.

A quistione orale, à l'attenzione à a Presidente di l'Assemblea di Corsica o à u Presidente di u Cunsigliu Esecutivu, deve cuncernà un sughjettu d'attualità, cù una implicazione in a vita cutidiana è currispondente à e cumpetenze di a Cullettività di Corsica.

ESEMPII



Una quistione orale espone un problema è dumanda una risposta precisa. Compie generalmente cù una formula cum'è « Chì pensate di fà per risolve stu problema? » o « Chì soluzioni o decisioni seranu messe in opera? »

L'autore cumencia cù l'indirizzu: « Signora Presidente di l'Assemblea di Corsica » o « Signore Presidente di u Cunsigliu Esecutivu » è finisce cù « Vi ringraziu ».

U tempu di parola cunsacratu à a quistione ùn deve micca trapassà e duie minuti. (1 minutu per lingua).

E dumande urali depositate l'anni passati sò telecarichevule nant'à u situ www.isula.corsica/azitelli.

PRUGGETTU DI MUZIONE

CUMU PRUDUCE UNA MUZIONE ?

E muzione ponu esse prudutte in corsu o in francese.

Una muzione hè un testu formulatu nantu à un sughjettu precisu, sottumessu à l'Assemblea di Corsica, nant'à u quale sta ultima deve pronuncia si è vutà. Esempiu: muzione vincitrice di u 2019 dumandendu à l'Assemblea di Corsica di piglià tutte e misure necessarie per furmà à a cunniscenza di u handicap è favurizà azzioni cumune per accettà è capisce e differenze.

SÒ INDICATI

PRIMA DI TUTTU :

L'autore di a muzione (« muzione presentata da... »)

U so ughjettu

U TESTU HÈ CUSTITUITU DI DUI PARTI :

1.a Un_preambulu, cunsacratu à l'elementi chì ghjustifichighjanu è fundamentanu a dumanda (i « cunsiderendu »). A redazione varieghja secondu u sughjettu trattatu, ma in a maiò parte di i casi, questi cunsiderendu permettenu di espone a problematica, u cuntestu è a ghjustificazione di a muzione.

1.b La problématique générale (pas plus de deux considérants)

Exemple : CONSIDERANT l'urgence de protéger la châtaigneraie corse d'un danger imminent, l'arrivée du cynips.

1.c A situazione attuale : u cuntestu chì motiva a dumanda (da dui à quattru cunsiderendu).

- Esempiu : CUNSIDERENDU chì ùn esiste nisun trattamentu curativu o preventivu abbastanza efficace per rallentà a prugressione di u cynips o cuntrullallu una volta presente.

1.d L'elementi precisi di a situazione locale chì ghjustifichighjanu a muzione (di preferenza micca più di dui cunsiderendu)

- Esempiu : CUNSIDERENDU l'impurtanza di a nostra castagniccia sia da un puntu di vista agriculu (filieri castaniculi è purcini) sia da un puntu di vista culturale, patrimoniale è ambientale (40.000 ha di castagni).

02 Una seconda parte induve sò enunciatu i desideri è e dumande presentate da l'Assemblea à l'autorità cuncernate (Guvèrnu, Cullettività, Unione Europea, Autorità sportive, ancu a Cullettività di Corsica stessa...), espressi cù verbi cum'è "dumandà" è "mandattà".

A muzione deve esse formulata di modu chjaru è precisu per esse capita da tutti.

I muzione depositate l'anni passati sò telecarichevule nant'à u situ www.isula.corsica/azitelli.

A MUZIONE LAUREATA DI L'EDIZIONE 2024-2025 :

Posta da i sculari di a scola di Calinzana (CM1 è CM2) è di u collegiu Fesch d'Aiacciu (6a) : metta in baddu un ritimu sculari novu in cori di l'Academia di Corsica.



U PRUGGETTU CULTURALE È CREATIVU

U prugettu creativ u offre à i sculari un'opportunità di sprime a so visione nant'à i temi pruposti attraversu opere artistiche. Stu prugettu aiuta à incuragisce l'imaginazione di i sculari permettenduli di travaglià in gruppu nant'à prugetti diversificati, à sceglie secondu i so desideri è a so sensibilità.

L'OGETTIVU

L'ogettivu di stu prugettu hè di sviluppà, attraversu mezi artistichi, una riflessione nant'à i temi di l'Assemblea di i Zitelli. Si tratta d'integrà un aspectu ludicu è uriginale à u prugramma, in cumplimentu di e muzioni è di e dumande urali tradiziunali. Ogni classe pò esplorà i temi scelti attraversu sfarenti supporti creativi.



I MEZI

CANZONA

Scrittura d'una canzona in corsu o in una lingua parlata in Europa.

PUEMA

Scrittura d'un poema uriginale chì serà diclamatu da i so autori.

FILMETTU

Realizzazione d'un video chì illustra e idee di i sculari nant'à u tema sceltu. I video seranu publicati nant'à u situ di l'Assemblea di i Zitelli.

MOSTRA PITTURATA O FOTOGRAFICA

Realizzazione di unu à quattru pannelli in funzione di u formatu sceltu. Formatu massimu : "formatu raisin".

GIURNALI

Elaburazione d'un giornale chì presenta e riflessioni è i cuntributi di i sculari nant'à u tema sceltu. Puderia esse distribuitu è publicatu nant'à u situ di l'Assemblea di i Zitelli.

LIBRU

Scrittura d'un libru chì tratta di u tema sceltu. Puderia esse distribuitu è publicatu nant'à u situ di l'Assemblea di i Zitelli.

E MUDALITÀ

Hè impurtante di tene à mente e cunstrette spaziali è tempurali in a scelta di i mezi (tempu limitatu è spaziu ristrettu in u stabilimentu amministrativu).

DOPU À U TRAVAGLIU IN A CLASSA



A RIMISSIONE DI I VOSTRI TRAVAGLI

Pudete, per aiutà vi, cunsultà e muzione è e quistione dipusitata da i cunsiglieri à l'Assemblea di Corsica, accessibili in linea nant'à u situ isula.corsica/assemblea, rubrica Sessione.

A trasmissione di i testi, di a vostra muzione è di e vostre dumande urali si deve fà cù i mezi in i cartulari di candidatura.

I vostri travaglii (dumande, mozioni è prugettu creativu) devenu ghjunghje à u Secretariatu generale di l'Assemblea di Corsica (assembleadiizitelli@isula.corsica) à l'ultimu ghjornu prima di e vacanze di veranu.

A SELEZIONE DI E QUISTIONE È DI E MUZIONE

A selezione tenerà contu da una parte di i criterii di equilibriu geograficu (Pumonte/Cismonte, zone rurale/zone urbane) è d'altra parte di a ripartizione equilibrata trà primaria è secundaria.

Una ghjuria serà cusì cumposta da a Presidente di l'Assemblea di Corsica, di l'eletti "riferenti", di e Consigliere esecutive cuncernate, di a Presidente di a Cummissione di l'Educazione, di a Cultura, di a Coesione Suciale è di l'Impegnu Suciale, di membri designati da u Rettore d'Academia è di dui rapprisentanti di l'associi di i merri di Corsica Suttana è di Corsica Suprana.

5 quistione à a Presidente di l'Assemblea di Corsica

5 quistione à u Presidente di u Cunsigliu Esecutivu di Corsica

5 pruposte di muzione



E 5 mozioni scelte sò mandate à tutte e classe partecipanti, affinché possinu dibattene è dà u so parè à i so giovani delegati.

A SESSIONE DI L'ASSEMBEA DI I ZITELLI

L'Assemblea di i Zitelli s'adduniscerà u 2 di ghjugu di u 2026 da deliberà nant'à i prugetti di muzione, prima in cummissione, poi in sessione publica.

Mentre a siduta, e dumande seranu poste alternativamente à u Presidente di u Cunsigliu esecutivu di Corsica è à a Presidente di l'Assemblea di Corsica, i delegati presenteranu in secondu tempu e muzioni scelte, chì seranu sottumesse à un votu per stabilisce a classifica definitiva.

Una parte di i travagli detti "creativi" serà esposta à u Gran'Palazzu durante a sessione di l'Assemblea di i Zitelli cù una presentazione da parte di i sculari. L'altre produzzioni seranu publicate nant'à u situ di l'Assemblea di i Zitelli.

A ghjurnata si sbucinerà in dui tempi

A MATINA

E Visite : Visita di i lochi è di l'emiciclu.

E cumissione : i delegati junior seranu raggruppati in "cumissioni" induve, sottu a presidenza di l'eletti rifarenti, seranu discusse e muzione selezziunate; è di prupone eventualmente mudificazione à i muzione à l'esame.

U DOPU MEZIORNU

L'allocuzione : a sessione publica principierà cù un'allocuzione di a Presidente di l'Assemblea di Corsica è di u Presidente di u Cunsigliu Esecutivu di Corsica.

E quistione orali : poste alternativamente à a Presidente di l'Assemblea di Corsica è à u Presidente di u Cunsigliu esecutivu di Corsica chì risponderanu.

E muzione : i delegati junior presenteranu dopu e muzione selezziunate in un'intervenzione di cinque minuti letta à a tribuna di l'Assemblea di Corsica.

U votu : Infine, e cinque muzione seranu sottumesse à u votu per stabilisce u palmarès definitivu.

Dopu à l'Assemblea di i Zitelli, durante una sessione à l'Assemblea di Corsica, a muzione vincitrice pò esse ripresa da l'elletti rifarenti è a Presidente di l'Assemblea di Corsica, chì a presenteranu in nome di l'Assemblea di Zitelli. Stu testu serà allora sottumessu à a stessa prucedura d'esame di qualsiasi altra muzione.

A VENUTA DI A CLASSA LAUREATA

A classa chì a so muzione averà ricivutu u più grande numeru di voti sarà invitata à assiste à u votu di l'Assemblea di Corsica nant'à stu testu.





ASSEMBLEA DI
i ZITELLI
10 ESIMA EDIZIONE

I VOSTRI ELETTI RIFARENTI

L'Assemblea di Corsica hà designatu, trà i so membri, eletti « rifarenti » à i quali l'insignanti è i delegati ponu indirizzà si; sti eletti ponu ancu rende si in l'istituti per infurmà i partecipanti.

CUNTATTI È INFURMAZIONI

04.95.51.66.81 / 06 32 12 31 73

assembleadiizitelli@isula.corsica

www.isula.corsica/azitelli